

Fundacion Sea Bunita Sea Bo Mes:

Loke inclusion ta nifica pa nos hendenan cu Down Syndrome

RIBA dia mundial di Down Syndrome nos kier haci uzo di e oportunidad aki pa reflexiona rib'e derecho di nos hendenan cu Down Syndrome, y si berdaderamente nos ta cumpli cu e derecho cu nan tin, of mester tin.

Cu otro palabra si inconscientemente nos lo ta violando nan derecho como ser humano y loke

nos ta referi na dj'e, ta e derecho di "Inclusion". P. e. den e ultimo temponan aki nos por a lesa, hasta scucha cu mester traha mas riba inclusion di nos hendenan cu Down Syndrome riba tur nivel den nos sociedad! Pero e pregunta clave ta, si esnan concerni ta compronde loke "Inclusion" ta encera? Loke nos a constata ta, cu nan ta bisa cu mester bin mas inclusion den nos sociedad, pero den accion tin mas "segregacion" cual ta nifica cu esnan concerni no ta compronde loke "inclusion" ta encera!

Ora cu nos ta referi na "inclusion" di nos hendenan cu Down Syndrome den nos sociedad, esaki mester cuminsa den nos sistema di enseñansa; caminda muchanan cu Down Syndrome mester por ricibi nan educacion hunto cu muchanan regular cu no tin limitacion, cuminsando for di Peuter School te cu e nivel mas halto den nos enseñansa.

Esaki lo yuda desaroya e studiantenan cu Down Syndrome di tal manera cu e docentenan por descubri nan habilidad y talentonan, cual mayan y den futuro por forma nos hendenan cu Down Syndrome den adultonan cu por forma parti di nos mercado laboral sea como un empleado profesional, of doño di nan propio negoshi. Cu otro palabra nos hendenan cu Down Syndrome tin e oportunidad di forma parti di e desaroyo igual den nos sociedad.

Inclusion den nos sociedad cuminsando den nos sistema di enseñansa lo preveni "Bullying y discriminacion" y crea mas compacion, comprension y inclusion den nos sociedad cual al final mester ta e meta, pa nos por tin un sociedad progresivo!

Por constata tambe cu gran parti di esnan cu Down Syndrome tin dificultad pa forma parti di nos mercado laboral, sea debi cu nan ta diferente of nan habilidad ta limita. Esaki por wordo evita si tabatin for di cuminsamento e formacion di inclusion hinca den nos sistema di enseñansa y den nos mercado laboral.

Ademas por constata cu aceso na servicio di cuido ora cunan yega e edad di adulto of edad mas avansa ta bira dificil of hasta imposibel. Si tene cuenta cu tur e aspectonan aki, mester admiti cu tin falta di inclusion den bida di esnan cu Down Syndrome y e mensahe mester ta cu nos como comunidad mester realisa y acepta cu "Inclusion general" di nos hendenan cu Down Syndrome lo kibra tur barera cu ta stroba e desaroyo den nan bida.

Pa e motibo aki nos ta haci un apelacion na tur instancia concerni rib'e dia mundial di Down Syndrome pa reflexiona rib'e bida di esnan cu Down Syndrome y ban sostene cualkier iniciativa cu lo por garantiza "Inclusion general" den nos sistema di enseñansa, laboral, deporte, salud y cuido cu ta igual cu tur hende regular cu no tin limitacion.

E ta un hecho cu mundialmente nan ta luchando pa inclusion di nos muchanan cu Down Syndrome riba tur nivel di enseñansa igual cu muchanan regular sin limitacion, paso a keda comproba cu "incorporacion" a resulta miho pa hopi individual den nos sociedad, eliminando discriminacion, bullying y creando di e manera aki un miho sociedad.



Despues cu e asunto aki a hiba na un acuerdo cu Hulanda cu lo bin supervision di Cft, a bin sali na cla con serio situacion financiero di Aruba ta di berdad.

PESO DI DEBE SUMAMENTE HALTO

Mientrastanto e debe total di Aruba a surpasa Afl. 4 biyon. Pa cada habitante esey ta nifica un peso riba su lomba di Afl. 36.000,-.

Na momento cu lo termina e proyectonan PPP na fin di 2018, e debe aki lo aumenta na Afl. 5 biyon, locual ta nifica Afl. 45.000,- pa persona. Esaki ta hopi mas haltu cu e debe pa habitante di Puerto Rico cu ta Afl. 37.000,-.

Como cu Puerto Rico mes no tin manera pa sali for di e abismo financiero cu e Gobiernonan consecutivo a crea den curso di hopi aña, Gobierno di EEUU a impone supervision financiero.

E medidanan cu mester tuma a hiba na reduccion substancial di e cantidad di empleado publico, di salario, di gasto (y pues di servicio) di salubridad publico, di cuidio social, di calidad di enseñanza, etc. E situacion socio-economico a deteriora asina hopi cu masha hopi ciudadano a opta pa emigra for di Puerto Rico.

CONTINUACION DI ACTITUD DI CABES DURO PA MOTIBO ELECTORAL

Mescos cu e Gobiernonan consecutivo di Aruba a negligia aña aden, aña afo tur advertencia y consejo di tur e instancianan local y internacional, e ta sigui cu e actitud aki pa cu CAft.

Hulanda y Aruba a acorda cu Aruba lo baha su fayó presupuestal

erablemente. Esaki ta algo cu nos propio instancianan RvA, ARA, SER, ademas di CBA y IMF, CF y NCPF ya caba a canta durante varios decada.

Si no, CAft a premira ya caba na 2014 (!) cu desde 2018 e gastonan lo supera e entradanan atrobe. Consecuentemente e debenan lo sigui crece...

Gobierno no ta tene su mes na su propio palabracion y asina ta perhudica henter comunidad di Aruba

Te awor, Aruba a logra di cumpli cu e prome palabracion tocante bahamento di e fayó presupuestal, aunke sea cada bes a base di entrada adicional incidental y triki di contabilidad.

Pero di ningun manera Gobierno di Aruba a cumpli cu su propio intencion pa cu e di dos palabracion, esta di baha e gastonan di personal cu 5% pa aña.

Al contrario, cu un excepcion hopi insignificativo, e gastonan di personal a sigui subi tur aña. Pa complica e asunto aki, ta premira cu e añanan benidero e aumentonan di gasto di personal lo ta hopi mas substancial pa motibo di e acuerdo cu Gobierno y sindicato di empeado publico a sera na 2014. Como tal, Aruba no a, ni lo cumpli cu e di dos exigencia di CAft y su propio palabracion. Consecuentemente Aruba ta core e riesgo grandi cu e no lo bin na remarca pa 'prestamo barata' cu sosten di Hulanda.

Segun FGCA, haciendo esaki, Gobierno di Aruba ta sacrifica interes di pueblo di Aruba pa motibo electoral. Al fin y al cabo pueblo di Aruba lo paga un prijs hopi haltu p'e 'maneho' aki.